

ლანჩხუთის მუნიციპალიტეტის საკრებულოს ეკონომიკის,

ქონების მართვისა და ბუნებრივი რესურსების საკითხთა

კომისიის თავმჯდომარის 2019 წლის 1 იანვრიდან

დღეის მდგომარეობით გაწეული მუშაობის შესახებ

ანგარიში.

ლანჩხუთის მუნიციპალიტეტის საკრებულოს ეკონომიკის, ქონების მართვისა და ბუნებრივი რესურსების საკითხთა კომისია შედგება 8 წევრისაგან.

კომისიის თავმჯდომარე-გიორგი ჩახვაძე.

წევრები: ალექსანდრე მახათაძე, ზაზა წულაძე, კარლო კვიტაიშვილი, ზურაბ კუკულავა, ოთარ პატიეშვილი, აკაკი იმნაიშვილი, ირაკლი მარშანიშვილი.

წარმოგიდგენთ, ლანჩხუთის მუნიციპალიტეტის საკრებულოს ეკონომიკის, ქონების მართვისა და ბუნებრივი რესურსების საკითხთა კომისიის თავმჯდომარის მიერ 2019 წლის 1 იანვრიდან დღეის მდგომარეობით გაწეული მუშაობის შესახებ ანგარიშს.

2019 წლის 1 იანვრიდან დღეის მდგომარეობით კომისიას ჩატარებული აქვს 8 სხდომა. სხდომებზე მოხდა, როგორც სამუშაო გეგმით გათვალისწინებული, ასევე მიმდინარე საკითხების განხილვა. დამტკიცებულია საკრებულოს ეკონომიკის, ქონების მართვისა და ბუნებრივი რესურსების საკითხთა კომისიის 2019 წლის სამუშაო გეგმა. კომისიამ, როგორც მერიის სამსახურებიდან, ასევე საკრებულოს სხვა კომისიებიდან ინიცირებული პროექტები განიხილა, შეისწავლა და მიიღო შესაბამისი გადაწყვეტილებები.

კომისიის მიერ შესწავლილი იქნა ლანჩხუთის მუნიციპალიტეტის ადმინისტრაციულ საზღვრებში არსებული საპრივატიზაციო გეგმასა და ნუსხაში შესატანი ქონებები. ასევე კომისიის მიერ რეკომენდაცია მიეცა მერიის შესაბამის სამსახურებს, რათა მიემართათ შესაბამისი სამინისტროსთვის, რომ ლანჩხუთის მუნიციპალიტეტის საზღვრებში არსებული უსახური ქონებები, რომლებიც იმყოფება ეკონომიკის სამინისტროს ბალანსზე, საბოლოოდ მოეხდინათ მათი პრივატიზება ან გადმოცემა მუნიციპალიტეტისათვის, რომლებიც აუშნოებს და ამახინჯებს ლანჩხუთის მუნიციპალიტეტის იერსახეს და ასევე საფრთხის შემცველია მოსახლეობისათვის.

კომისიის მიერ გაიმართა მუშა შეხვედრები მოსახლეობასთან კოლხეთის ეროვნულ პარკსა და საშეშე და სამასალე ხე-ტყის მოპოვებასთან დაკავშირებით. ამავე საკითხებზე შეხვედრები გაიმართა პარლამენტის გარემოს დაცვისა და სოფლის მეურნეობის დარგობრივ კომიტეტთან, სოფლის მეურნეობისა და გარემოს დაცვის სამინისტროსთან.

კომისია აქტიურად იყო ჩართული აზიური ფაროსანას წინააღმდეგ გასატარებელ ღონისძიებათა დაგეგმვის პროცესში და არაერთი სამუშაო შეხვედრა გაიმართა აღნიშნული პრობლემური საკითხის სწორად წარმართვის მიზნით.

კომისია აქტიურად იყო ჩართული სახელმწიფოებრივი მნიშვნელობის ავტომაგისტრალის სამტრედია-გრიგოლეთის გზის მშენებლობასთან დაკავშირებით, მოსახლეობის მიერ წამოჭრილი არაერთი პრობლემური საკითხის მოგვარებისა და დარეგულირების მიზნით.

კომისიის მიერ ასევე შემუშავებული იქნა არასაოფლო-სამეურნეო დანიშნულების მიწის ნორმატიული ფასი. ასევე კომისიის მიერ განისაზღვრა ლანჩხუთის მუნიციპალიტეტის ტერიტორიაზე არსებული სახელმწიფო და მუნიციპალიტეტის ბალანსზე ასევე, კერძო საკუთრებაში არსებული ქონების საბალანსო ნარჩენი ღირებულების გადასახადის განაკვეთი.

კომისიამ განიხილა შემდეგი სამართლებრივი აქტების პროექტები:

დადგენილების პროექტი - „ადგილობრივი (ქონების) გადასახადის შემოღებისა მიწის განაკვეთის შესახებ“

დადგენილების პროექტი - „ლანჩხუთის მუნიციპალიტეტის 2019 წლის ბიუჯეტიდან სოციალური დახმარების გაცემისა და მიღების წესის დამტკიცების შესახებ“

განკარგულების პროექტი-„ლანჩხუთის მუნიციპალიტეტის 2019 წლის სოციალური პროგრამების დამტკიცების შესახებ“

განკარგულების პროექტი-„ლანჩხუთის მუნიციპალიტეტის საკუთრებაში არსებული უძრავი ქონების აუქციონის წესით, სასყიდლიანი სარგებლობის უფლებით გადაცემისას, ქონების ქირის საწყისი წლიური საფასურის ოდენობის განსაზღვრის შესახებ“

განკარგულების პროექტი-„ლანჩხუთის მუნიციპალიტეტის ქონების საპრივატიზაციო ობიექტების ნუსხისა და ლანჩხუთის მუციპალიტეტის ქონების პრივატიზაციის გეგმის დამტკიცები შესახებ“

განკარგულების პროექტი-„ლანჩხუთის მუნიციპალიტეტის საკუთრებაში არსებული უძრავი ქონების შპს „ქალთა საფეხბურთო კლუბი ლანჩხუთის ლანჩხუთი-სთვის“ პირდაპირი განკარგვის წესით, სარგებლობის უფლებით, უსასყიდლოდ გადაცემაზე მერისთვის თანხმობის მიცემის შესახებ“

განკარგულების პროექტი-ლანჩხუთის მუნიციპალიტეტის საკუთრებაში არსებული უძრავი ქონების აუქციონის წესით, სასყიდლიანი სარგებლობის უფლებით გადაცემისას, ქონების ქირის საწყისი წლიური საფასურის ოდენობის განსაზღვრის შესახებ“

განკარგულების პროექტი-„ლანჩუთის მუნიციპალიტეტის სოფელ გრიგოლეთში სანაპირო ზოლის განვითარებასთან დაკავშირებით დროებითი სამუშაო ჯგუფის შექმნისა და შემადგენლობის დამტკიცების შესახებ“

განკარგულების პროექტი-„გრიგოლეთისა და ყვავილნარის განაშენიანების გეგმის შემუშავების თაობაზე ლანჩუთის მუნიციპალიტეტის მერისთვის თანხმობის მიცემის შესახებ“

განკარგულების პროექტი-„ლანჩუთის მუნიციპალიტეტის სუფსის ადმინისტრაციულ ერთეულში მდებარე მიწის ნაკვეთის განაშენიანების დეტალური გეგმის შემუშავების თაობაზე ლანჩუთის მუნიციპალიტეტის მერისთვის თანხმობის მიცემის შესახებ“

განკარგულების პროექტი-„ლანჩუთის მუნიციპალიტეტის საკუთრებაში არსებული უძრავი ქონების სახელმწიფო საკუთრებაში გადაცემის შესახებ“ და ა.შ

კომისიის მიერ განხილული იქნა და სხვადასხვა სახის შუამდგომლობები გაეწია არაერთ განცხადებას.

კომისია გუნდური მუშაობით არის მოტივირებული, რათა დროულად იქნეს შესწავლილი მთელი რიგი პრობლემატური საკითხები.

კომისია აგრძელებს აქტიურ მუშაობას.

პატივისცემით,

გიორგი ჩახვაძე



კომისიის თავმჯდომარე

ეკონომიკის, ქონების მართვის და ბუნებრივი რესურსების საკითხთა კომისია